

die Rechnung/ als die erste/ mag nyemantz  
den verstandt des gesangs/ vnd den subtilen  
eingang der Geometrei vñ Astronomie  
vberkōnen. Es ligt am tage/ wie vñ durch  
was ursache bißher vil verseumet sein/ die  
weil( als wir vffst gesehē haben) in Teütscher  
vñ Welscher sprach vil vngeschaffne  
vnd weytleuffige bücher der rechen kunst/  
auch gleich dē mehr wundern mit iren wei  
ten vmbschwaiß erschrecklich herfür kom  
men sein/ oder gar zū kurtze wort gebraucht  
dardurch ich widerumb verursacht bin/ vñ  
dis mein rechenbüch meniglich zū nütz E.  
W. als einem sunderlichen liebhaber vnd  
verstendigē dieser kunst/ zū Eren verfertigt  
vñ an tag gegeben. Mit darumb dz ich hie  
mit alle bücher will veracht haben/ sunder  
habe die rechnung auff's kürzest/ nach mei  
nem verstandt/ sunderlich die gswindigkeit  
d' Reuff/ so wir die Practica nennen/ gesetzt/  
vnd manchfeltiglich gemehrt/ des gleichen  
die Tolletn. Die Regulas Cosse mit sampt  
dem Centiloquio/ dar inne d' kern ligt/ wird  
ich in kurtzer zeyt (wil Gott) auch in druck  
geben. Bit hiemit E. W. solche kleine ver  
erung im besten an zunemen. Geben zū  
Ingolstat am 7 tag Augusti im 27 jare.